

Dex Grhup Raoma

The sky is going to fall



Wa, Parauk

Dex Grhup Raoma

The sky is going to fall

Cao tiem lih : Samlao Pao

Cao Pawd Riieng : Sai Rong Khun

Lox Lai Shiao : Lai Vax

Bawg Plih Lih : Bawg (1)

Khix Num : 9 /2021

Author : Samlao Pao

Illustrator : Sai Rong Khun

Original Language : Wa

Edition : First Print

Date : Sep /2021

Wa, Parauk
Myanmar

Copyright © 2021, Literature Department Of WBC, SIL

For permission to reuse, contact the copyright holder.



Didix yam chix totiag ti sikah kix yuh kaing ma mai sum ih nghox koi daux ma tix heue. Kix hu yuh kaing bix ka paox yam an pa mawh poh, preh, sivai, mai raokhaox kix caw ti hu yuh kaing daux ma moi tau heue.

Pa mawh Pang tai ang awm can totiag nawh nieh ka yuh kaing heue. Ngaix an pang tai niied ti hu yuh kaing daux ma cao tix nong nong heue.



Kheu kin hax koek ngaix an pang tai ang rhawm yuh kaing nawh simie ti laux heue. Daux ma pang tai koe khaox plix tumoi ting tix mu heue. Pang tai niied ti to hu laux ka greem veei khaox plix tumoi ting an heue.

Pang tai kied fah rhawm khawm laux tix yam an nawh keud ka grawng krax yum, krax im ju mai krax kha rhawm kha rhi kuceu ka piang haktiex heue. Ot tivud pang tai man ti laig it greem veei khaox tan heue.



Pang tai ang bax rheeng it ding mawx lih bhaung ting mai phlu lhax khaox phawng tiex hu kudah kudee heue. Raoma khankix kawx faik ang lai chix yaox rawb rim titix heue. Jao phlu bhaung lhax khaox mai phawng tiex mawh kheu dex sang lih lhiex ting heue. Yam an pang tai nawh ang lai tawng titix kied nyawm it ka greem veei khaox plix tumoi mai laig camaox it tan heue.



Kheu kied ting bhaung plix tumoi ang pon kham mai cod ka piang tiex ah, “Bong . . .” heue. Yam an pang tai pa nyawm it greem khaox siduad ka lox cod plix tumoi mai nawh maong ti jhak ka raoma heue. Pang tai lih ti sigraung rhawm kheu faik praix klawng heue. Paiawm lung khankix kawx to hu vung viang ka raoma uik heue. Yam an pang tai lih rhawm lhat nawh yaog ti to mai yo lox tix “Dex grhup raoma to pex uik to pex uik” ah nan heue.




Pang tai sipub meeik mai poh daux krax to tix nawh thong kiex to mai kix yo ah "Dex grhup raoma to pex uik" heue. Yam an totiag pa yuh kaing daux ma moi mai can totiag pa mhong lox yo kix pa mawh sang, raokhaox, preh, mai can totiag ku ceu kix thong paox to khawm ang lai chix yaox krax heue. Kheu sang mawh pa ting kaux kix tawx nawh mawh cao pleeng laug sivoe heue. Can totiag khawmuik kawx kix yuh lung sau riang hawt to uik heue.



Dommax doman jao hoik rheeng to kix,
kix sidaing taug mao mai kix krai paox laux
tivud heue. Yam an kix to ti hoik luan gawng
phan gawng heue. Glang pai kix rhawm taug,
yien bhaung ting mai singaix riieng jah ti lih
heue. Yam an kix tawng ang mawh dex grhup
raoma mawh kheu dex sang lhiex praix heue.
Kix uik ang nai rhawm ka cao tix kheu ang koe
krax keud krax sawn heue. Yam an poh yaog ti
ah "Ang tie mawh dex grhup raoma mawh sang
lih lhiex ex uik keud lamu lama" yuh nan heue.



Ot tivud kix jhak ka ngai baoh paox
kheu naog phawng tiex, kix yuh lung nyawm
nyiah gaux rhawm uik heue. Yam gaux rhawm
kix sang pa to sivoie totiag nawh jhak ka vaig
tix mai yaox khaix mat ka praok tix heue. Sang
ah "O! khaix mat vaig aux koe tix dah". Meeik
kawx ah "Ah. a ! koe khaix mat vaig aux tix
dah heue". Sang kied meet rhawm ka meeik
"Pie to kaux maix khawmuik ang tie koe tix dah
maix ah koe khaix mat maix tix dah lie" ah nan
ka meeik heue.



Sang ce meeik nu nai ka lox ah tix nawh
lih song rhawm mai yuh krax caox ka meeik
heue. Can totiag kix yoax ah lox sinax kiex mai
pai rhawmrhi kiex heue. Yuh ka mawx angah
viang sang ting kaux tix miex ding kawx nawh
shiao dah cao tix ka khaix mat heue. Pa mawh
meeik viang iak kaux kiehnie krax mat pa koe
piang to kaux nawh, nawh tiag ka dah cao tix
mawh pa caw heue.



Yam an pang tai riex ju pa koe pingnya yaog ti kaoh "Pax khawm ra ang koe pa lud tix kaux kawx, caw awm paox heue. Pa ting kaux pa iak kaux angah, tokaux ex ang chix awm paox heue. Mawh kheu nan jawm saux pa yaox ti kham geu koe ka piang riang rao to kaux cao tix awm paox ti heue. Can totiag khankix kix doh rhawm uik mai kix baox moh ka paox, chix priex rien ka paox, lheu khaing bawgyam luan heue.

